



do Volume 2 dèl Trwèzyin.me anêye

Dins tos lès linwådjes, lès



mos dîjenut savént ck' on vout Bén î trover èt comprinde. Walons, èsse ki Casanova, Rabelais arîne-t-i wazu sicrîre, mètans, on roman d' Syince Paskêye; Poline Reage, l' Mârkîze di Sèvignè, Hèrvî Bâzén, JJ. Rosiâ Simènon, evd, arîne-t-i balziné po mète leus rimembrances dsus l' papî ? On s' poréve li dimander tot lîjant l' "nén racontrèsse" Ranteule do pPrétins 2 002. P'tète Bén k' on aréve sayî dèl leû disfinde ?

Dji n' saréve m' èspliker pokwè, mi, dji m' va co continuwer à fé c'ki m' plaît èt come dj' èl pinse. A mwins ki, c' èst tot bièsse, i gn'a dès disfines ki m' faut todi passer oute.

\*

**Stûve Fâssète**, monté è balon, a fait l' toû dèl dagne. Sès boles ont-èles rifté l' tête télé lès cines do Sint Nicolâ dès studiants ?

\*

**Parètréve ki 41 miyions** d' Uropèyins (28 au cint) sont strindus à l' ovrådje. Minme ki ça costêye 20 miyârs è pièrdârdjes di tims. Èt lz ôtes 72 au cint, è purdant, zèls, tot leû tims èt co s' tinu è dirèk, pa ècsimpe, au corant di cki s' passe è Wimblèdon, au Mondîâ-Djapon, au Toû d' France, è Rèland Garâse,

evd, i rapwatenut d' pus à leû Soce ?

\*

**On Ardjèntin d'Èvêke** catolike a lomé "prête" sèt feumes. Po fwârcî l' mwin au Pâpe èt ièsse à s' n' auje, il a fait çoula au mitan do bia Bleuwe Danûbe, inte l' Almagne èt l' Otriche. Lès ordinâcions ont stî condanêyes èt on vouréve minme èscomunier lès "curèsses". Pokwè don ? Après tot, dispû l' tims k' i gn'a dès comères ki sont médes, èsse k' on èst pus mau sognî ? Èt lès cines ki vont rarindjî au pus wôt nos satèlites, l' font-èles mwins Bén ? Adon, ènn' don, n'sèrîne-t-èles nén tot ossi bounes po riwêfî au salut d' nos âmes ki po nos "âmes swîte âmes" ?

\*

**Oufti ! l' G2M avou s' C4**, riçuvréve ène bistoque di 10 miyons d' Uros. Dîre k' i gn'a k' i lzeu faut fé dès grêves po sakants

mastokes di pus à l' eûre o po sayî di n' nén ièsse disbauchî èt n' rén awè !

\*

**C' èst tot d' minme drole.** A l' place do Mèssîye d' Vivindi, parè-i èmantcheû, on mètréve on Djan Foûrtot. S'i n' fait nén mia, on n' pora nén dîre k' on n' èstéve nén prévenu.

\*

**"C' èst bin toumé** qu' i ploût l'djoû dèl fièsse" k' on dit à Lîdje. Comint l' mète è Françès ? dimande Clèyante ki trove ça dialèctal èt mète "C'èst bien regrettable qu'.." Po m' paurt, k' a todi ètindu "Bén èchu ki...", dji diréve pus râde ki c' è st-ène vîye tournûre dimèrêye dins nosse linwådje. Mins, ènn' don, kî seû-dj' po nd' aler conte lès mias èdukés ?

\*



**Dès ans au lon**, il a tchanté dins l' vîye linwe, ki rixhène todi à ène sakwè, di sès tayons èt vinde Bén mwins k' è Françès. I vént d' moru à 87 ans, l' 2 d' Djulèt 2 002, dins ène maujone ewousse k' on fini sès djoûs "à s' ripwazer", Au Sârt. **L' boune Nût à vos Bob Deschamps.**

**A môde di rén, on comache dispû d'pus d' 422 pådjes ! Faléve-t-i l' fé ? Aloz sawè !**

**Èt dsus <http://users.swing.be/rabulets/Index.htm>, avoz vèyu ?**